

Israel na Egipto

Les 13 di kuartaal 2, aña 2022

Les a pa e siman aki:

Génesis 46; Rom. 10:12, 13; Génesis 47; Génesis 48; Echonan 3:25, 26; Génesis 49; Fil. 2:10; Gén. 49:29-50:21.

TEKSTO PRINSIPAL:

"E israelitanan a keda biba na Egipto, nan a tuma e region Goshen pa nan. Ei nan a haña mashá hopi desendiente" (Génesis 47:27).

Israel na Egipto

sabbat, 18-06-2022

Génesis ta kubri e último añanan di Yakob i Jozef huntu. Nos ta mira Yakob (Israel) bandoná Kanaan (Génesis 46) pa asina establese na Egipto (Génesis 47), i einan e lo muri (Gén. 49:29-50: 21). I tòg, asta den e senario egipsio, e prospekto di e Tera Primintí ainda ta vislumbrá grandi den trasfondo (Gén. 50:22-26).

Asina ku Yakob yega Egipto, Yakob ta bendishoná fárao (Gén. 47:7-10), asina kumpliando (parsialmente, naturalmente) e promesa abrahámiko di ta un bendishon pa e nashonnan (Gén. 12:3). Mas despues, na punto di muri, Yakob ta bendishoná e yu hòmbènan di Jozef (Génesis 48). Yakob ta bendishoná tambe su propio yu hòmbènan (Gén. 49:1-28) i ta hasi predikshonnan impreshonante enkuanto di kada un di nan den konteksto di e futuro 12 tribunan di Israel (Gén. 49:1-27).

E echo, sinembargo, ku Israel ta 'biba' den eksilio, na Egipto komo straño, ta den tenshon ku e speransa di e Tera Primintí. I aunke e buki di Génesis mes ta terminá ku e yunan di Israel na Egipto, algun di e último palabranan di Jozef ta muestra na un otro lugá: "Pronto lo mi muri, pero Dios lo yuda boso i saka boso for di e pais akí, pa hiba boso na e tera ku El a primintí Abraham, Isak i Yakob bou di huramentu" (Gén. 50:24).

Studia e lès di e siman akí pa prepará .pa Sabat, 25 dí yüni.

Yakob ta Bai serka Jozef

djadumingu, 19-06-2022

Les Genesis 46. Kiko ta nifikashon di e salida di Yakob for di Kanaan?

Ora Jakob bandoná su lugá na Kanaan, e ta yen di speransa. E siguransa ku e lo no tin hamber mas, i e bon notisia ku Jozef ta bibu, mester a dun'é e impulso ku e tabatin mester pa bandoná e Tera Primintí.

Yakob su salida ta eko e eksperensia di Abraham, aunke den kaso di Abraham e tabata bai direkshon pa e Tera Primintí. Yakob ta tende e mesun promesa ku Abraham a tende di Dios, es desir ku E lo hasié 'un gran nashon' (Gén. 46:3; kompará ku Gén. 12:2). E yamada di Dios akinan ta tambe rekordativo di e aliansa di Dios ku Abraham; na tur dos okashon Dios ta usa e mesun palabranan trankilisante 'no tene miedu' (Gén. 46:3; kompará ku Gén. 15:1), ku ta karga e promesa di un futuro glorioso.

E lista amplio di nòmber di e yunan di Israel ku a bai Egipto, inkluyendo su yunan muhé (Gén. 46:7), ta kòrda nos riba Dios Su promesa di fertilidat na Abraham asta ora e tabata sin yu ainda. E number 'setenta' (inkluyendo Yakob, Jozef, i su dos yunan hòMBER) ta ekspresá e idea di totalidat. Ta 'henter Israel' ta bai Egipto. Ta signifkante tambe ku e number 70 ta korespondé na e kantidat di nashon (Génesis 10), sugeriendo ku e destino di tur e nashonnan ta tambe den wega den e biahe di Yakob.

E bèrdat akí lo bira mas evidente solamente hopi aña despues, despues di e krus i e revelashon mas kompleto di e plan di salbashon, loke, naturalmente, tabata pa henter humanidat, tur kaminda, i no sola mente e yunan di Abraham.

Den otro palabra, aunke kon interesante e storianan ta enkuanto di e famia akí, e simia di Abraham, i loke sea ta e lèsnan spiritual ku nos por saka for di nan-e relatonan akí ta den e Palabra di Dios pasobra nan ta partí di historia di salbashon; nan ta parti di e plan di Dios pa trese redenshon na mas tantu hende posibel riba e planeta kaí akí.

"No tin diferensia entre hudu i no hudu, pasobra ta e mesun Señor ta Señor di tur i t'E ta duna abundantemente na tur ku invok'É. Pasobra Skritura ta bisa: 'Tur ku invoká nòmber di Señor lo ta salvá'" (Rom. 10:12, 13). Kiko Pablo ta bisa aki ku ta mustra e universalidat di evangelio? Mas importante ainda, kiko e palabranan akí ta bisa nos enkuanto di loke nos komo iglesia mester ta hasiendo pa yuda plama e evangelio?

Yakob ta Establesé na Egipto

djaluna, 20-06-2022

Ta masha interesante kon, apesar di tur loke nan a bisa Yakob tokante ku Jozef ta bibu na Egipto, Señor ainda a dun'é "vishonnan di anochi" (Gén. 46:2, Beibel Santu) i den nan a mand'é bai. Yakob ta bandoná e Tera di Promesa pasobra, di tur lugá, Egipto-ku mas despues ta bira asosiá ku esun lugá ku e pueblo di Dios no ke bai (Deut. 17:16).

Les Genesis 47. Kua bèrdat i prinsipio spiritual nos por haña den e relato akí?

'Jozef a tuma sinku di su rumannan pa presentá na fárao i risibí di dje e konseshon di tera pa nan futuro hogar. Gratitut na su promé minister lo a hiba e monarka na honra nan ku nominashon pa kargonan di estado; pero Jozef, leal na e adorashon di Yehova, a trata di salba su rumannan di e tentashonnan ku lo a eksponé nan na un korte pagano; p'esei el a konsehá nan, ora rei a kuestioná nan, pa bis'é nan okupashon frankamente. E yunan hòmber di Yakob a sigui e konseho akí, siendo kuidadoso tambe pa deklará ku nan a bin pa keda temporalmente dene tera, no pa bira habitante permanente einan, asina reservando e derecho di bai si nan a skohe esei. E rei a asigná nan un kas, manera el a ofresé, den 'e mihó di e tera', e pais di Goshen.'-Ellen G. White, Patriarchs and Prophets, p. 233.

Inteligentemente, tambe, fárao no ta kurashá e peregrinonan akí pa bira pididónan di limosna, bibando di e generosidat di nan anfitrión. E ta puntra nan tokante nan 'fishi' (Gén. 47:3) pa asina nan por ahustá mihó den nan medio ambiente nobo. E ta ansioso tambe pa usa nan ekspertisio, i asta ta sugerí pa nan sirbié komo 'kuidadónan di [su] bestianan' (Gén. 47:6).

E ora ei, aunke Yakob, e strañero, ta esun inferior, e strañero, e ta pará dilanti di e lider di e tera, i, manera e teksto ta bisa, "Yakob a bendishoná fárao" (Gén. 47:7). E, e strañero humilde, ta esun ku ta bendishoná fárao, e gobernante di e Egipto poderoso? Di kon esei mester ta asina?

Ta usa e verbo 'amad lifney,'presentá ... na (Gén. 47:7, Beibel Santu), normalmente den kontekstonan saserdotal (Lev. 14:11). Konsiderando ku den Egipto antiguo fárao tabatin e státus di e saserdote di mas haltu, esaki ta nifiká ku, den un sentido spiritual, Yakob ta para mas haltu ku e saserdote di mas haltu di Egipto, mas haltu asta ku fárao mes.

Loke sea ta nos stashon den bida, kiko e mester nifiká pa nos, den sentido di kon nos ta trata otronan, ku nos ta "un saserdosio real, un nashon santu, un pueblo pekuliar"(1 Pe. 2:9, Beibel Santu)? Ki obligashon nos fe ta pone riba nos?

Yakob ta Bendishoná Jozef su Yunan

djamins, 21-06-2022

Segun ku Yakob ta aserká morto, e ta kòrda riba su regreso anterior na Betel (Gén. 35:1-15), ora el a risibí di Dios e promesa renobá di e 'propiedad eterno' (Gén. 48:4, Beibel Santu) ku Abraham a risibí (Gén. 17:8). E promesa di e Tera Primintí ta, por lo tantu, un pensamentu di alivio ku ta nutri su speransa miéntras e ta sinti morto ta yegando. Yakob ta bira, e ora ei, na Jozef su dos yunan hòMBER, ku a nase na Egipto, i ta bendishoná nan, pero ta hasi esei den konteksto di e futuro promesa enkuanto di su propio simia.

Les Genesis 48. Di kon Yakob a bendishoná Jozef su dos yunan homber, i no su otro ñetunan?

Jozef su dos yunan hòMBER, Manase i Efraim, ta e úniko ñetunan ku Yakob a bendishoná. Asina el a elevá nan di e stáTus di ñetu na e stáTus di yu (Gén. 48:5). Aunke e bendishon di Yakob ta impliká un preeminensia di e di dos (Efraim) riba esun di promé (Manase), e bendishon di Yakob ta konserní en realidat Jozef (Gén. 48:15).

Loke nos ta mira aki ta un testimonio personal tokante Dios Su fieldat na nan den pasado i Su promesa pa nan den futuro. Yakob ta referí na e Dios di Abraham i Isak (Gén. 48:15), kende a proveé kuminda i protek shon pa nan. Ta e mesun Dios kende "a libra mi di tur kos malu" (Gén. 48:16). Yakob tabatin den mente tambe e Dios di Betel (Gén. 31:13), ku ken el a lucha (Gén. 32:29) i kende a kambia su nòmber di Yakob pa 'Israel' (Gén. 32:26-29).

Ora e ta referí na tur e eksperensianan akí, kaminda Dios ta kambia malu den bon, Yakob ta ekspresá su speransa ku no solamente Dios lo kuida e bida presente di su ñetunan, meskos ku El a hasi p'e i Jozef, e ta pensa tambe riba futuro, ora su desendientenan lo bai Kanaan bèk. E speransa akí ta kla for di su referensia na Shikem (Gén. 48:22), ku no ta solamente un pida tera ku el a atkírí (Gén. 33:19) sino tambe un lugá kaminda nan lo dera e wesunan di Jozef (Yoz. 24:32). i kaminda lo distribuí e tera entre e tribunanan di Israel (Yoz. 24:1). Asta meimei di tur loke a sosodé, Yakob a tene den mente e promesanan di Dios, kende a bisa ku pa medio di e famia akí "lo Mi bendishoná tur generashon na mundu" (Gen 12:3).

Les Echonan 3:25, 26. Di akuerdo ku Pedro, kon e promesa aki di Génesis 12:3 a kumpli? Kon nos, nos mes, a risibí e bendishon akí?

Yakob ta Bendishoná Su Yunan

djarason, 22-06-2022

Les Genesis 49:1-28. Kiko ta e nifikashon spiritual di e bendishon di Yakob riba su yunan hòMBER?

Mas ayá di e profesionan enkuanto di e historia inmediato di e tribunan di Israel, Yakob ta mira e Mesías i e speransa final di salbashon. E speransa akí Yakob a indiká kaba den su promé palabranan "den e dianan ku ta bin" (Gén. 49:1, Beibel Santu), un ekspreshon tékniko ku ta referí na e binida di e rei mesiániko (Isa. 2:2, Dan. 10:14).

Despues e teksto ta pasa den e liña futuro di kada un di e hòmbenan akí. Esaki no ta destino predestiná, komo si fuera Dios tabata ke pa kada un di esakinan lo a enfrentá loke nan a enfrentá; mas bien, nan ta ekspreshon di loke nan karakter i e karakter di nan yunan lo a produsí. Ku Dios sa, por ehèmpel, ku un hende lo mata un hòMBER inosente ta un kos radikalmente diferente for di ku Dios tabata ke pa e asesino hasié.

Les Genesis 49:8-12. Kua profesia ta duná aki, i di kon e ta importante?

Riba i ariba di boluntad liber humano, Dios konosé futuro, i El a regla ku lo tabata a traves di Huda ku e Mesias lo a bin. Huda (Gén. 49:8-12), ku ta representá pa un leon (Gén. 49:9), ta referí na soberanía i alabansa. Huda lo produsí Rei David, pero tambe Silo, es desir, esun ku lo trese shalom, 'pas' (Isa. 9:6, 7); E 'nashonnan lo obedesé' (Gén. 49:10).

Pa hopi tempu e hudiunan a mira esaki komo un profesia mesiániko ku ta mustra na e Mesías ku ta bin, i kristiannan tambe a mira e teksto akí komo mustrand na Hesus. "É nashonnan lo obedesé!" (Gén. 49:10), ku ta, kisas, un prekursor na e promesa di Tèstament Nobo "ku pa e nòmber di Hesus tur rudia mester dobla" (Fil. 2:10, Beibel Santu).

Manera Ellen G. White a skirbi: 'E leon, rei di selva, ta un símbolo ku ta pas ku e tribu akí, for di kua David a bin, i e Yu di David, Silo, e berdadero 'Leon di e tribu di Huda', na kende tur poder finalmente lo buig i tur nashon lo rindi homenahe.'-Patriarchs and Prophets, p. 236.

Di kon nos mester ta rindiendo homenahe na Hesus aworakí, asta promé ku tur nashon lo basié?

E Speransa di e Tera Primintí

djaweps, 23-06-2022

Les Genesis 49:29-50:21. Ki gran tema di speransa nos ta haña den e konklushon di e buki di Génesis?

E konklushon di Génesis ta konsistí di tres evento ku ta yená ku speransa. Na promé lugá, ta e speransa ku Israel lo regresá na e Tera Primintí. Moises, e outor di Génesis, ta deskribí e morto i entierro di Yakob i Jozef komo eventonan ku ta mustra na e Tera Primintí. Inmediatamente despues di su bendishon i profesia riba e diesdos tribunán di Israel (Gén. 49:28), Yakob ta pensa riba su morto i ta enkargá su yunan pa der'é na Kanaan, den e kueba di Makpela, kaminda a dera Sara (Gén. 49:29-31).

E relato ku ta deskribí e proseshon funerario den direkshon di Kanaan ta bira un prekursor na, vários siglo despues, e Eksodo for di Egipto.

Di dos, ta e speransa ku Dios lo kambia malu den bon. Despues di morto i entierro di Yakob, e rumannan di Jozef ta preocupá tokante nan futuro. Nan tin miedu ku Jozef lo tua su revancha awor. Nan ta bin serka Jozef i buig te na suela su dilanti, kla pa bira su sirbidónan (Gén. 50:18), un senario ku ta similar na e soñonan profétiko di Jozef. Jozef ta trankilisá nan i ta bisa nan pa 'no tene miedu' (Gén. 50:19), un frase ku ta referí na futuro (Gén. 15:1); pasobra loke tabata 'planiá pa malu' kontra dje, 'Dios a plani'é pa bon' (Gén. 50:20, Beibel Santu), i a kambia e kurso di eventonan den direkshon di salbashon (Gén. 50:19-21; kompará ku Gén. 45:5, 7-9). Es desir, asta apesar di asina hopi fayó humano, e providensia di Dios lo prevalesé.

Di tres, ta e speransa ku Dios lo salba humanidat kaí. E storia di Jozef su morto den e último versíkulo akí di Génesis ta mas amplio ku solamente e morto di Jozef. Ta straño pa bisa ku Jozef no ta ordená pa dera su wesunan. En kambio e ta mustra na e momento ku "Siguramente Dios lo perkurá pa boso, i boso mester hiba mi wesunan for di akinan" (Gén. 50:25, Beibel Santu), loke nan a hasi, añanan despues, den obediensia direkto na e palabranan ei (wak Eks. 13:19). Finalmente, e speransa di e Tera Primintí, Kanaan, ta un símbolo, un prekursor, di e speransa final di salbashon, di restourashon, di un Herusalem nobo den un shelu nobo i un tera nobo speransa final di nos tur, un speransa ku e morto di Silo a hasi sigur.

Les Revelashon 21:1-4. Kon e versíkulonán aki ta representá e speransa di mas grandi ku nos tin? Sin e promesa akí, ki speransa nos tin si no ta morto so komo e fin di tur nos problemanan?

Mas Estudio :

djabinne, 24-06-2022

Ellen G. White, 'Joseph and His Brothers', den Patriarchs and Prophets, p. 233-240. 'Bida di Jozef ta ilustrá bida di Kristu. Ta envidia a stimulá e rumannan di Jozef pa bend'é komo un katibu; nan a spera di prevení ku e lo bira mas grandi ku nan mes. I ora a hib'é Egipto, nan a gaba nan mes ku nan no mester tabata preokupá mas ku su soñonan, ku nan a kita tur posibilidat di nan kumplimentu. Pero Dios a revoká nan propio kurso pa kousa e evento mes ku nan a plania pa stroba. Asina e saserdote i ansianonan hudiu tabata yalurs riba Kristu, temiendo ku E lo a atraé e atenshon di e pueblo for di nan. Nan a laga mat'E, pa prevení ku E lo bira rei, pero asina nan tabata produsiendo e mes resultado akí.

'Jozef, a traves di su sklabilitut na Egipto, a bira un salvador pa e famia di su tata; sinembargo, e echo akí no a redusí e kulpa di su rumannan. Asina e krusifikashon di Kristu pa su enemigunan a hasiE e Redentor di humanidat, e Salvador di e rasa kaí, i Gobernante riba henter mundu; pero e krímen di Su asesinonan tabata mesun horroroso komo si fuera e man providensial di Dios no a kontrolá eventonan pa Su propio gloria i e bon di hende.

'Manera su propio rumannan a bende Jozef na e paganonan, asina un di Hesus Su disipelnan a bend'E na Su enemigunan di mas amargá. A akusá Jozef falsamente i a tir' é den prizón pa motibu di su birtut; asina nan a despresiá i a rechasá Kristu pa motibu ku Su bida apnegá i hustu tabata un sensura pa piká; i aunke E no tabata kulpabel di nada malu, nan a konden'E riba testimonio di testigunan falsu. I Jozef su pasenshi i mansedumbre bou di inhustisia i opreshon, su pordon mesora i benevolensia nobel pa ku su rumannan innatural, ta representá e Salvador Su resistensia resigná di e malisia i abusu di hòmbènan malbado, i Su pordon, no solamente di Su asesinonan, sino di tur ku a bin serka djE konfesando nan pikánan i buskando pordon.'-Ellen G. White, Patriarchs and Prophets, pp. 239, 240.

Pregunta pa Diskushon:

1. Unabes ku Yakob a muri, e rumannan di Jozef tabatin miedu ku awor Jozef lo a buska revancha. Kiko esaki ta siña tokante e kulpabilidat ku ainda nan tabatin? Kiko e reaksbon di Jozef ta siña nos tokante pordon pa esun kulpabel?
2. Ki otro paralelo bo por haña entre Jozef i Hesus?
3. Reflekshoná riba e echo ku, aunke Dios konosé futuro íntimamente, ainda nos ta liber pa hasi nos propio eskoho. Kon nos ta rekonsiliá e dos ideanan akí?